

aliquot tamen obsidionis menses ad summas angustias redactus est. Quamplurimi jam fame moriebantur, & tamen deditio-
nem differebant, à Junglieo auxilia speran-
tes. Sed & Cancheū urbs, numquam à
Quangtung militibus subigi potuit. In quo
terum articulo, summa victus inopia pres-
sus Kinus, sic suos est allocutus: *Nulla no-
bis, commitones, spes restat, nisi in manu e-
s animis. Vi nobis per Tartaros aperienda est
via: fortiter agite, meum secuti exemplum.*
*Kinus ex
urbe
erumpit.*

His dictis, & rebus bene ordinatis, dere-
pende erupit; summamque in fossæ tran-
fatu difficultatem expertus, demum eam,
nequicquam pugnantibus Tartaris, cum
suis superavit, ac pugnando fugæ locum in-
venit, quamplurimis occisis Tartaris. Ki-
num vivum evasisse, constans est fama, ac
latitare in montibus cum non contemnen-
dis copiis, & novas bene agendi ibi expe-
ctare occasiones.

*Nan-
chang
urbs va-
statur.*

Vbi ergo evasit, Tartari urbem ingressi
eam diripiunt; deinde cives omnes inter-
necione delent. Est enim hoc Tartaris so-
lemne, ut urbibus sese tradentibus nil mali
inferant; resistentibus autem priusquam in
eorum potestatem veniant, duriores sint;
sed rebellantibus nullo modo párcant, si vi
recipientur. In hac etiam cæde duo ex no-
stris Patribus, R. P. Tranquillus Grassetti
Italus, & R. P. Iosephus de Almeida Lusi-
tanus, ac frater Coadjutor Emanuel Go-
mez Macaensis periæ, non quidem intra
urbem, sed in pago à prædantibus militibus
occisi; antiquum quoque ac pulchrum
templum nostrum conflagravit intra ur-
bem. Post hæc, Tartari totam Provinciam
pronam ad deditioñem naçti, ea omnino
pacata, & relictis novis præsidiis, reversus
est ad Peking vîctor exercitus. Interea Pe-
king alii tres novi parabantur exercitus, ad
Quangtung, ac reliquas Provincias, Jun-
glieo Sinarum Imperatori adhuc subiectas,
denuo subigendas, ac melius conservandas.
Cum enim tutor Imperatoris Tartari, ac re-
liqui Magnates, tot viderent motus & de-
fectiones Australium Provinciarum; ut
sibi subditos in officio continerent, decre-
verunt eas concedere Tartari Regulis, tri-
butariis tamen, à quibus regerentur. Anno
itaque, quo hæc agebantur, M D C X L I X
*Tres Re-
guli cre-
antur, ac
cum toti-
dem ex-
ercitibus
contra*

ut primum unitis viribus ac armis Quang-
tung recuperarent, ac Junglieum profliga-
rent. Sed de his infra: nunc ad præcipuas
Borealium Provinciarum à Tartaris defe-
ctiones veniamus.

Non minus ad Boream, quam ad Au-
strum, libertatis amantes Sinæ se sic inte-
rim probarunt: ubi Duces quidem à Tar-
taris vieti, sed non capti, secreta de eji-
ciendis Tartaris agitantes consilia, & hi
Provinciarum tutiora ac secretiora loca in-
colentes, quotquot poterant milites con-
gregarunt. Tres ex illis in Xensi Provin-
cia densissimis montibus vagabantur: pri-
mus, Hous dicebatur. Hic jam viribus
pollens, reliquos invitavit ut sibi auxilio
essent, ac conjunctis viribus patriam libe-
rarent. Vnus illi consensit; alter non ad-
fuit, duo tamen militum millia ad Houm
in suppetias misit. Itaque cum viginti-
quinque millibus progrederit Hous; non
contemnendæ copiæ, si milites animo ac
fortitudine fuissent pari. Præmisit diplo-
ma, quo Tartaros audacter provocabat,
ac omnia illis extrema minitabatur; Sinis
vero libertatem, incolumitatem, atque
omnia bonorum genera promittebat. Ne-
que paucas urbes ac civitates ad deditio-
nem faciles invenit, Sinis ultro portas ape-
rientibus, & excipientibus: Sigan Me-
tropolitana urbs sola præsidium ad vim
repellendam idoneum habebat. Tria erant
ea in urbe Tartarorum millia, ac selecto-
rum Sinarum duo millia ex his, qui sub
Tartaro Imperatore merebant. Eorum
Dux, ubi Hoi motus audivit, undique quas
potuit collegit vires, ac reliqua ad feren-
dam obsidionem necessaria, donec nova
Tartarorum auxilia advenirent. Vbi autem
rescivit, Sinas ultro urbes ac civitates tra-
dere, ut hoc in Metropolitana ne fieret, ci-
ves omnes ipse trucidare crudelissime con-
stituit: nec ullis umquam precibus ab im-
mani hac sententia dimoyerri potuit; donec
tandem totius Provinciæ Prorege rogante,
ac suadente, promissa civium fidelis opera,
tyrannicum consilium mutavit. Interim
edixit, ut omnes denuo capillos, & omni-
no more Tartarico raderent, indicta per-
duellionis poena; ut eo discrimine cives à
reliquis, si qui forte ingredierentur, digno-
sceret: haec tenus enim Sinæ, capillorum
suum amantissimi, non totos crines ab-
radebant, sed parvam dumtaxat eorum par-
tem temporibus hærentem. Edixit præter-
ea, ut ubicumque intra moenia plures quam
bini

Jungli-
eum mit-
tuntur.

Hous in
Tartaros
insurgit.

Crudele
consilium
Dux
Tartari.